



**Preguntas frecuentes sobre os PREMIOS PEL 2026**

## PREMIOS PEL 2026

### Que se premia?

A oitava edición dos premios PEL ás mellores iniciativas empresariais da provincia, ten por finalidade premiar, dar visibilidade e poñer en valor aquelas iniciativas empresariais que impulsen cambios reais no ámbito socioeconómico e deixen a súa pegada no territorio, conservando e dinamizando a contorna rural e dando visibilidade a actuacións que contribúan de forma singular a revitalizar os concellos con menor poboación da provincia, así como a xerar unha sociedade rural máis dinámica e cohesionada.

### Cal é o prazo para presentar a solicitude?

O prazo de presentación das candidaturas permanecerá aberto **desde o 23 de abril ás 9.00 horas ata o 12 de maio de 2026 ás 14.00 horas.**

### Como podo presentar unha candidatura?

Tanto a presentación de candidaturas como o resto da tramitación da presente convocatoria realizarase por vía telemática a través da plataforma da Deputación Provincial da Coruña, SUBTeL: <https://sede.dacoruna.gal/subtel/>

### A que categorías podo presentar unha candidatura?

Cada participante poderá presentar a súa candidatura **unicamente a unha das catro categorías** seguintes:

#### **1ª CATEGORÍA: Iniciativa emprendedora**

Destinada a recoñecer a labor das persoas autónomas, microempresas, pequenas e medianas empresas que iniciasen a súa actividade empresarial nas anualidades 2024, 2025 ou 2026. Esta categoría busca premiar unha iniciativa empresarial de recente creación, en calquera ámbito.

#### **2ª CATEGORÍA: Traxectoria empresarial**

Destinada a recoñecer a traxectoria das persoas autónomas, microempresas, pequenas e medianas empresas que comezasen a súa actividade empresarial durante a anualidade 2023 ou con anterioridade. Esta categoría busca premiar unha iniciativa empresarial xa consolidada, en calquera ámbito.

#### **3ª CATEGORÍA: Iniciativa territorio sostible**

Destinada a persoas autónomas, microempresas, pequenas e medianas empresas que contén con proxectos que contribúan á transición ecolóxica e enerxética, á loita contra o cambio



climático, que baseen a súa actividade na agricultura sostible, a protección do medio ambiente, a preservación da biodiversidade, a economía circular, o uso eficiente dos recursos, o valor da terra ou do mar e os seus produtos, etc. Esta categoría busca premiar unha iniciativa que aliñe as súas actuacións cos obxectivos medioambientais propostos na Axenda 2030 e no Pacto Verde Europeo, dándolle valor ao campo e ao mar galegos.

#### **4ª CATEGORÍA: Iniciativa empresarial singular**

Destinada a recoñecer a persoas autónomas, microempresas, pequenas e medianas empresas con iniciativas empresariais de autoría creativa, orixinais e con carácter singular, xa sexa polo uso de materias primas locais, pola reutilización de materiais ou produtos autóctonos, a revitalización da tradición galega, entre outros. Esta categoría busca premiar unha iniciativa empresarial que se caracterice pola súa peculiaridade e creatividade singular.

No suposto de presentación de varias candidaturas, só se terá en conta a última presentada, que deixará sen efecto e anulará todas as anteriores, sempre e cando fose presentada dentro do prazo previsto na convocatoria.

#### **Existen máis categorías?**

Nesta edición contéplase unha categoría honorífica a proposta do xurado, sen postulación previa de entidades e sen importe económico: mención do xurado á mellor iniciativa transformadora do rural.

#### **En que consiste o premio?**

A candidatura gañadora de cada unha das catro categorías recibirá un premio de 20.000 euros, coa excepción de que o xurado decida conceder accésits á segunda candidatura clasificada dalgunha categoría, cando entre a primeira e a segunda candidatura medie unha diferenza de inferior ou igual a 5 puntos. Neste suposto, a gañadora recibirá un premio de 15.000 euros e a segunda clasificada un accésit de 5.000 euros.

Sobre estas contías realizaranse as retencións correspondentes do ordenamento tributario regulador do Imposto sobre a Renda das Persoas Físicas (IRPF) ou do Imposto de Sociedades (IS).

#### **Que requisitos debo cumprir para participar?**

Poden participar neste premio pequenas, medianas empresas, microempresas e persoas autónomas con domicilio fiscal nun concello da provincia da Coruña.



### Que documentación debo presentar?

Para a participación na convocatoria en calquera das catro categorías, deberase presentar a seguinte documentación obrigatoria:

- **Memoria de candidatura:** en formato libre, seguindo os apartados dos criterios de valoración, ou no anexo descargable. En todo caso a memoria debe ter como máximo 5 páxinas. Recoméndase o uso da tipografía times new roman 12. Na primeira páxina da memoria deberá incluírse a ligazón a un vídeo de candidatura, aloxado en calquera plataforma dixital de reprodución de vídeo ou na propia web corporativa, gravado en formato horizontal, cunha resolución mínima de 1080 píxeles (sendo recomendable unha superior de 4K) e de duración non superior a 2 minutos (2:00).

- **Certificado de situación censual actualizado,** expedido pola Axencia Estatal da Administración Tributaria

- **Certificacións das administracións tributarias correspondentes e da Tesourería Xeral da Seguridade Social** nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta destes datos

- **No caso de microempresas, pequenas e medianas empresas,** escritura de constitución da entidade e as súas modificacións ou variacións posteriores no caso de que as houbera, ou calquera outro documento análogo no que figuren os estatutos, estipulacións ou contratos privados, así como a súa inscrición no rexistro público correspondente

- **No caso de empresarios/as individuais,** informe da vida laboral actualizado expedido pola Tesourería Xeral da Seguridade Social onde figure a data de alta no RETA, colexio ou mutualidade correspondente

- **Declaración das axudas recibidas en réxime de minimis** (anexo dispoñible en SUBTEL).

Non se terán por presentados anexos á memoria de candidatura nin documentación en formato papel, nin fóra do prazo de presentación establecido na convocatoria, constituíndo a súa presentación en tempo e forma un requisito esencial do procedemento, cuxa ausencia non poderá ser emendada.

No caso de que a memoria presentada exceda das 5 páxinas non se valorarán as páxinas que nela figuren a partir da sexta, esta incluída. O mesmo ocorrerá co vídeo que exceda dos 2:00 minutos de duración, non sendo valorable o contido que exceda.

Non se valorarán táboas numéricas nin ligazóns incluídas na memoria: a candidatura valorarase unicamente polo texto e o vídeo incluídos na memoria, dando especial importancia á claridade da redacción e á concisión e adecuación aos criterios valorables.

#### **Estas axudas están suxeitas ao réxime de minimis?**

Si. Os solicitantes deben ter en conta os límites establecidos na dita normativa vixente e a Deputación na fase de solicitude da axuda pedirá que os solicitantes aporten unha Declaración de minimis na que se constate que o importe total da axudas de minimis solicitadas e concedidas durante esta anualidade e nas dúas anteriores (2026, 2025, 2024, e 2023), non supera os umbrais establecidos pola normativa.

#### **Como se elixen as entidades gañadoras?**

Todas as candidaturas elixibles serán en primeira instancia avaliadas por unha comisión de avaliación integrada por persoal técnico do Plan de Emprego Local da Deputación da Coruña. Esta comisión encargárase de analizar o perfil das candidaturas e de escoller a 10 finalistas por categoría, tendo en conta os criterios de valoración establecidos.

Tras esta preselección, as 10 candidaturas finalistas de cada categoría serán remitidas a un xurado, conformado por persoas expertas en diferentes campos relacionados cos ámbitos da empresa, o emprendemento e a innovación.

O xurado de persoas expertas reunirse co obxecto de deliberar e de seleccionar as iniciativas empresariais gañadoras. Ademais, as persoas integrantes do xurado presentarán propostas de persoas autónomas, microempresas, pequenas e medianas empresas que consideren merecedoras da mención honorífica á mellor iniciativa transformadora do rural e elixirán a gañadora desta categoría por consenso.

Nas catro categorías principais a puntuación de cada candidatura consistirá na media aritmética das valoracións emitidas polo xurado, excluindo do cómputo a maior e a menor puntuación. Unha vez valorada a totalidade de candidaturas establecerase unha prelación entre elas. No caso de que varias candidaturas obtiveran a mesma puntuación final e que, ademais, esta fose a puntuación máis elevada da categoría, efectuarase unha votación entre as candidaturas empatadas. No caso excepcional de que as candidaturas non acadasen o nivel desexado, o xurado poderá acordar deixar o premio deserto.

No suposto de que entre a primeira e a segunda clasificada dalgunha categoría exista unha diferenza inferior ou igual a 5 puntos, o xurado poderá considerar conceder un accésit á segunda clasificada.



### **Que procedemento se segue para conceder este premio?**

A concesión do premio realizarase mediante Resolución da Presidencia a proposta motivada do xurado.

A Resolución de concesión será publicada no Boletín Oficial da Provincia, co que se entenderá notificada aos interesados, de acordo co establecido no artigo 45 da Lei 39/2015, do procedemento administrativo común das administracións públicas. O premio considerárase aceptado tras a aceptación da notificación da resolución de concesión.

No suposto excepcional de que as empresas gañadoras renunciaran ao premio, a candidatura que se atopa na seguinte posición pasaría a ocupar o seu lugar e así sucesivamente, no caso de acontecerse múltiples renuncias sucesivas.

### **Como será a entrega dos premios?**

As entidades gañadoras daranse a coñecer nun acto de entrega de galardóns organizado pola entidade provincial, previsto para mediados do mes de xuño, no que poderán ser reproducidos publicamente os vídeos presentados por estas e no que todas as persoas promotoras das iniciativas candidatas terán ocasión de realizar *networking*.